

ተፈሥሖሒ ማርያም ዘሰንበተ ክርስቲያን (እሑድ) ወበዓለ ፶

ሰላም ለማርያም አጽፈ ወልድ ዋሕድ፤
ወመጸረ ሕያው ነድ።

ለድንግልናሃ ይደሉ ሰጊድ፤
ለማርያም ዘይቤ ኢይሰግድ፤
ሞጸፈ መብረቅ በሊኅ በርዕሱ ለይረድ።

ተፈሥሖሒ ማርያም ዘሰንበተ ክርስቲያን (እሑድ) ወበዓለ ፶

ተፈሥሖሒ ማርያም ለአዳም ፋሲካሁ ፤

ወማዕደታ ለሔዋን እንተ ይእቲ ዐፅመ ገቦሁ ፤

እስመ ግዕዛኖሙ ኮነ ለወልድኪ በትንሣኤሁ ፤

በወርቃ ዕብሬትኪ እግዝእትዮ ዘኢይትረከብ ከማሁ ፤

መኑ ዘይቴክዝ ወመኑ ዘይላሁ ።

ተፈሥሖሒ ማርያም ዘሰንበተ ክርስቲያን (እሑድ) ወበዓለ ፶

ተፈሥሖሒ ማርያም ወለተ አሮን ወሙሴ ፤

ዘትትቁጸሊ አብያዘ በትሴአኒ ብናሴ ፤

ለተአምርኪ ዝንቱ ሶበ ናቁርብ ውዳሴ ፤

ኅትሚ ፍጽመ ዚአነ በማኅተመ ቅድስት ሥላሴ ፤

አርእሰተ አቃርብት ንኪድ ወንቀጥቅጥ ከይሴ።

ተፈሥሒ ማርያም ዘሰንበተ ክርስቲያን (እሑድ) ወበዓለ ፶

ተፈሥሒ ማርያም ወለተ ዳዊት ወወልዱ ፤

ጽጌ መዓዛ ዘዐርገ ለአብርሃም እምሥርወ ጉንዱ ፤

ያሥተፌሥሐኒ ጥቀ ዜና ተአምርኪ ለለአሐዱ ፤

አይሁድሰ ሶበ መንክራተኪ ክህዱ ፤

ሕያዋኒሆሙ ሲአለ ወረዱ ።

ተፈሥሖሒ ማርያም ዘሰንበተ ክርስቲያን (እሑድ) ወበዓለ ፶

ነኣኹተኪ ማርያም ወንሴብሐኪ ወትረ ፤

ሠርክ ወነግሀ ኩሎ ኣሚረ ፤

ኃይለ ተኣምርኪ ዝንቱ ሶበ ንፊኢ ኅቡረ፤

ለልበ ጠቢባን መላእክት ዘያረሰዎሙ ምክረ ፤

ወለሕፃናት ይከሥት ሥውረ ።

ተፈሥሐ ማርያም ዘሰንበተ ክርስቲያን (እሑድ) ወበዓለ ፶

አአኩተኪ ማርያም ወሀቢተ ጸጋ በከንቱ፤

እስመ አልዐልክኒ ሊተ እመሬተ ምድር ዘታሕቱ፤

አንሥኦተ ነዳይሰ ወአልአሎ ምስኪን ጊዜ ድቀቱ፤

እወ እወ ለልብኪ ከመ ከማሁ ሥምረቱ፤

እወ ለዝኒ ፈቀድኪ ታሣንዩ ሎቱ።

ተፈሥሐ ማርያም ዘሰንበተ ክርስቲያን (እሑድ) ወበዓለ ፶

ጽብኢ ማርያም እለ ይጸብኡኒ በተሀብሎ ፤

ወግፍዒ ካዕበ እለ ይገፍዑኒ ኩሎ ፤

ተአምረኪ ታርእዩ ወለወልድኪ በቀሎ ፤

ይብል ዓብድ አኮኑ እግዚአብሔር ኢሀሎ ፤

ሶበ ላዕሌሁ ፍጡነ ኢያርአየ ኃይሎ።

ተፈሥሐ ማርያም ዘሰንበተ ክርስቲያን (እሑድ) ወበዓለ ፶

ንዒ ማርያም ምስለ ወልድኪ መዋዒ ፤

ከመ ታውድቂ ፍጡነ ርእሰ ፀር ወጸላዒ ፤

እስመ ፈታሒት አንቲ ማእከለ ግፉዕ ወገፋዒ ፤

ብፁዕ ብእሲ ድቀተ ፀሩ ዘይፊኢ ፤

ወብፁዕ ካዕበ ፍትሐኪ ሰማዒ።

ተፈሥሒ ማርያም ዘሰንበተ ክርስቲያን (እሑድ) ወበዓለ ፶

ዝ ውእቱ ዕድሜ ሣህልኪ ወዘተአምርኪ ጊዜ ፤

ማርያም ድንግል ምልዕተ ምሕረት ከመ ተከዜ ፤

እስከ ማዕዜኑ እሄሉ ማእከለ ብካይ ወእንባዜ ፤

አ ናዛዚት እንተ ወለድኪ ናዛዜ ፤

አ ንግሥት በቋዒት ብቑዕኒ ይእዜ።

ተፈሥሐ ማርያም ዘሰንበተ ክርስቲያን (እሑድ) ወበዓለ ፶

ሙሴ ነቢይ አመ ሕዘቢሁ ቈሰሉ ፤

ተአምረ ገብረ ለአርፄ ብርት በምሰሉ፤

እምዝኒ የዐቢ ኃይለ ተአምርኪ ገግሥተ ኩሉ፤

ወኅበ ተተክለ ለዋሕድኪ መሰቀሉ፤

ሠራዊተ ደዌ ወሞት ቀሪበ ኢይክሉ ።

ተፈሥሖሒ ማርያም ዘሰንበተ ክርስቲያን (እሑድ) ወበዓለ ፶

ፈሪሆትኪ ማርያም ቀዳሜ ኩሉ ተዐውቆ ፤
ወአፍቅሮትኪ ካዕበ መሠረተ ጥበብ ወአጠይቆ፤
ተአምረኪ እሴብሕ በቃለ መዝሙር ወመሰንቆ፤
በውስተ ተአምርኪ እግዝእትየ ለዘአብአ ናፍቆ፤
አፍተዎ መዊተ ወሲቦል አጽሐቆ።

ተፈሥሐ ማርያም ዘሰንበተ ክርስቲያን (እሑድ) ወበዓለ ፶

ምንተ ረከቡ ካህናተ ሐሊባ ወሃላ፤

መንክራተ አምላክ ዘርእዩ እምሰኪኖን እስከ ጌልጊላ፤

ካህናተ ቤትኪሰ ማርያም ርግበ ገሊላ፤

እንዘ ይትአመኑ ለተአምርኪ ኃይላ ፤

ያፈልሱ ደብረ ወይመልሑ ሰግላ።

ተፈሥሒ ማርያም ዘሰንበተ ክርስቲያን (እሑድ) ወበዓለ ፶

ይቴክዝ ዓብድ ሶበ ልበ ጥበብ ውኅዶ፤

በኢያሕምሮቱ ኦብዝኅ ሕማመ ዘይፈደፍዶ፤

ፍሡሕሰ ለፍቅርኪ ዘይፀመዶ፤

በቅድመ ሥዕልኪ እግዝእትየ ለለጊዜ ያነሥእ ዕዶ፤

ተስፋሁ ይረክብ ወይፌጽም መፍቅዶ።

ተፈሥሐ ማርያም ዘሰንበተ ክርስቲያን (እሑድ) ወበዓለ ፶

ዕቀብኒ በተአምርኪ ወአድኅንኒ እምማቴ፤

በከመ አድኃኖ ወልድኪ ለዮናስ ወልደ አማቴ፤

መዋዕለ ዕረፍት አንቲ ማርያም ጳጌጠቄስቴ፤

እምኃይለ ድካም ያጸንዕ መዋቴ፤

ኅብስት ስብሐትኪ ወፍቅርኪ ስቴ ።

ተፈሥሐ ማርያም ዘሰንበተ ክርስቲያን (እሑድ) ወበዓለ ፶

ሴሰይኒ ማርያም ለጸማድኪ አሳብ ፤

ሕብሰተ አእምሮ ሠናየ ወወይነ ጥበብ ፤

እመኒ ፈድፈደ ኃጢአትየ እምሕዝብ ፤

ተዘከሪ እግዝእትየ በርኅራኄኪ ዕፁብ ፤

ከመ አስተይኪሶ ማየ ለጽሙእ ከልብ።

ተፈሥሐ ማርያም ዘሰንበተ ክርስቲያን (እሑድ) ወበዓለ ፶

ኣ ፍጡነ ረድኤት ለጽኑዕ ወለድኩም ፤

ወለነፍሰ ኩሉ ቃውም ፤

ጊዮርጊስ የዋህ እንበለ መስፈርት ወዓቕም ፤

ከመ እግዝእትከ ቡርክት ማርያም ፤

እስመ ርኅሩኅ ልብ አንተ እምበቀል ወቂም።

ተፈሥሐ ማርያም ዘሰንበተ ክርስቲያን (እሑድ) ወበዓለ ፶

ኣ ፍጡነ ረድኤት በብዙኅ ያታ ፤

ከመ እግዝእትከ ርግበ ኤፍራታ ፤

በሰማይ በላዕሉ ወበምድር በታሕታ ፤

አምሕለከ ጊዮርጊስ በሰመ እምከ ቴዎብስታ ፤

ሞገሶ ስምከ ተሀበኒ ከመ ስምከ መንታ።

ተፈሥሐ ማርያም ዘሰንበተ ክርስቲያን (እሑድ) ወበዓለ ፶

አ ፍጡነ ረድኤት እምሩጸተ ነፋስ ወአውሎ ፤
ለዘይጌውአከ በተወከሎ ፤

ጊዮርጊስ ቅረብ ለምሕረት ወለተሣህሎ ፤
ተወከፍ ወትረ ጸሎተነ ወቃለ ጽራህዩ ኩሎ ፤
እስመ ልበ አምላክ ርኅሩኅ በኀቤከ ሀሎ ።

ተፈሥሐ ማርያም ዘሰንበተ ክርስቲያን (እሑድ) ወበዓለ ፶

አፍጣኒተ ረድኤት ማርያም በጊዜ ምንዳቤ ወዓጸባ ፤
ለዓይን እምቀራንባ፤

አንቲ ውእቱ ረዳኢተ ያዕቆብ በቤተ ላባ ፤
በኩሉ ሕሊናሃ ወበኩሉ አልባባ ፤
ዘኢታፈቅረኪ ነፍስ ትሠሮ እምሕዝባ።

ተፈሥሐ ማርያም ዘሰንበተ ክርስቲያን (እሑድ) ወበዓለ ፶

ለዘኢያፈቅረኪ እግዝእትየ ውኩፊ ኢይኩን ጸሎቱ፤
ይትገዘም ኑኃ ዓመቱ ወይጥፋኝ በከንቱ፤

በአፈ መላእክት ወሰብኝ ይትረገም ለለዕለቱ፤
ዘአስተማሰሎ በተውኔት ለማኅሌተ ስምኪ ዝንቱ፤
ጌጋዩ ወኃጢአቱ ኢይትጎደግ ሎቱ።

ተፈሥሒ ማርያም ዘሰንበተ ክርስቲያን (እሑድ) ወበዓለ ፶

እሰግድ ቅድመ ማርያም ለዝክረ ስምኪ በጽዋዔ ፤

ወእሰግድ ካዕበ ለድንግልናኪ ክልኤ ፤

ወእሰግድ ሥልሰ ለሥዕልኪ ቅድመ ጉባኤ ፤

ዘኢሰገደሰ ለሥዕልኪ አሥሪያ ምምዔ ፤

በሥጋሁ ወበነፍሱ ኢይርከብ ትንሣኤ።

ምንተኑ አዳሥየኪ ዕሣኔተ፤

በእንተ ኩሉ ዘገበርኪ ሊተ፤

ማርያም ሠናይት ዘታፈቅሪ ምሕረተ፤

ሶበሶ ትትዓቀቢ ዘዚአየ ኅጢአተ፤

እምኢሐየውኩ አሐተ ሰዓተ።

በሰላም ገብርኤል መልአክ ኦ እግዝእትየ ማርያም
ሰላምለኪ፤

ድንግል በኅሊናኪ ወድንግል በሥጋኪ፤

እመ እግዚአብሔር ጸባኦት ሰላም ለኪ፤

ቡርክት አንቲ እምአንሰት ወቡሩክ ፍሬ ከርሥኪ፤

ተፈሥሒ ፍሥሕት ኦ ምልዕተ ጸጋ እግዚአብሔር
ምስሌኪ።

መስተብቅዕ ለንግሥተ ኩልነ

ካህን

ወካዕበ ናስተብቅዕ፣ ለንግሥተ ኩልነ ማርያም እምነ
ወእመ ለእግዚእነ ወመድኃኒነ ኢየሱስ ክርስቶስ ንሰእል
ወነኃሥሥ ናስተብቅዕ ወንዌድስ ዕበየ ተአምራቲሃ ብዙኅ
ለእመ ጸባኦት ንጉሥ እለ ትነብሩ ተንሥኡ ወእለ
ታረምሙ አውሥኡ። ማርያምሃ በቃለ ስብሐት ጸውዑ
፤ ቁሙ ወአጽምኡ ተአምረ ድንግል ከመ ትስምዑ።

ዲያቆን

ጸልዩ ቅድመ ሥዕላ ለቅድስት ድንግል መራዕተ አብ ወጺመ
በግዑ።

ሕዝብ

ቡርክት አንቲ ማርያም፤

ንግሥት አንቲ ማርያም፤

ሠናይት አንቲ ማርያም፤

ወቡሩክ ፍሬ ከርሥኪ መድኃኔ ከሉ ዓለም።

ካህን

ንዑ ንሰግድ ወንግነይ ላቲ ፤ ንዑ ንትፈሣሕ ወንትሐሠይ
ባቲ ፤ እስመ አምላክ ይእቲ ዘበድንግልና ክልኤቲ ዛቲ
ይእቲ ትንቤቶሙ ለነቢያት ፤ ሞገሶ ስብከቶሙ
ለሐዋርያት ፤ እሞሙ ለሰማዕት ፤ ወእኅቶሙ
ለመላዕክት ፤ ላቲ ይደሉ ክብር ወስብሐት ወለወልዳ
አምልኮ ወሰግደት በምድር ወበሰማያት በባሕር
ወበቀላያት ለዓለመ ዓለም።

ሕዝብ
አሜን